




KRIZNI PLAN PRIPRAVNOSTI I ODGOVORA NA POJAVU KORONAVIRUSA (COVID-19)



STOP COVID-19

Ilidža, avgust 2020 godine





Broj: 02-33-3615/20

Ilidža, 27.08.2020 godine

Na osnovu člana 90. Statuta općine Ilidža - prečišćeni tekst („Službene novine Kantona Sarajevo“, broj 33/10, 18/16), a na osnovu Naredbe Federalnog Kriznog štaba Ministarstva zdravstva br.01-33-4486/20 od 06.08.2020 godine, Općinski načelnik donosi

KRIZNI PLAN PRIPRAVNOSTI I ODGOVORA NA POJAVU KORONAVIRUSA (COVID-19)

I

Krizni plan pripravnosti je izrađen u cilju poduzimanja mjera zaštite uposlenika i stranaka, te sprečavanja bolesti izazvane Corona virusom (COVID19).

Ovim planom definiše se način rada i poduzimanje svih higijensko-epidemioloških mjera kao i preventivnih mjera, odnosno postupanje Općine Ilidža za vrijeme trajanja naredbi i preporuka donesenih od strane Kriznih štabova Federalnog ministarstva zdravstva i Ministarstva zdravstva Kantona Sarajevo, zbog opasnosti od širenja zarazne bolesti uzrokovane koronavirusom (covid- 19).

II

Općina Ilidža je dužna pojačati provođenje opštih i posebnih mjera zaštite od zaraznih bolesti, shodno Zakonu o zaštiti stanovništva od zaraznih bolesti Federacije BiH („Službene novine Federacije BiH“, broj 29/05), sa posebnim akcentom na pojačane aktivnosti provođenja epidemioloških mjera u cilju zaštite zdravlja uposlenika i stranki.

Općina Ilidža je dužna obezbijediti dovoljnu količinu sredstava za dezinfekciju kao i drugu neophodnu zaštitnu opremu (maske, rukavice i ostalo), a sve u skladu sa donesenim naredbama i preporukama od strane nadležnih organa.

III

Preporučuje se uposlenicima da održavaju svoje radne prostore čistima prema protokolu za borbu protiv bolesti uzrokovane koronavirusom (covid-19), uz redovno provjetravanje radnog prostora.

IV

Održavanje poslovnih, radnih ili drugih sastanaka i sjednica, na kojima bi bilo potrebno prisustvo više poslenika ili drugih učesnika, svodi se na najmanju mjeru, uz primjenu telefonske ili e-mail komunikacije.

U kancelarijama i prostorima gdje boravi više od jednog radnika, obavezno je nositi zaštitne maske za lice bez izuzetka.

Ukoliko je neophodno održavanje sastanaka/sjednica, potrebno je među učesnicima osigurati razmak od 2 metra, uz neophodne epidemiološko-zaštitne mjere.





V

U slučaju pojave nekih od simptoma kao što su: povišena temperature, kašalj, gubitak mirisa ili okusa, preporučuje se osobama sa simptomima kao i članovima njihovog kućanstva da ostanu kući, te se telefonski jave nadležnom liječniku kako bi dobili daljnje upute.

Ukoliko uposlenik uoči simptome bolesti (temperatura, suhi kašalj, otežano disanje i dr.) kod radnog kolege, a isti to ranije nije sam prijavio, dužan je odmah obavijestiti neposrednog rukovodioca koji dalje preuzima radnje (obavješćavanje epidemiološke službe, odstranjivanje radnika sa radnog mjesta i dr.) u skladu sa naredbama i preporukama Kriznog štaba Federalnog ministarstva zdravstva i Ministarstva zdravstva Kantona Sarajevo.

Uposlenici su dužni da vode računa o osobama s kojima su bili na udaljenosti manjoj od 2 metra odnosno duže od 15 minuta ("bliski kontakti") u zadnjih 48 sati, odnosno da evidentiraju ili na drugi način označe tu osobu ukoliko bude potrebno da te podatke saopće epidemiolozima.

VI

Rad sa strankama se organizuje uz osiguranje protoka stranaka na način da se omogući potrebna fizička distanca od 2 metra između stranaka uz poštovanje ostalih epidemiološko-zaštitnih mjera (maska za lice bez izuzetaka, korištenje dezinfekcionog sredstva na ulazu u službene prostorije).

Na ulazu u objekat Općine Ilidža obavezno postaviti dezobarijeru za obuću, te istaknuti upozorenja i obavijesti o načinu postupanja u pogledu Covid 19.

Ulazak i izlazak u službene prostorije Općine Ilidža (zgrada Općine) predviđeno je da stranke ulaze i izlaze organizovano prema uputama uposlenika na recepciji uz poštivanje svih epidemioloških mjera.

VII

Zadržavanje uposlenika u radnim prostorijama mimo njihovog radnog mjesta, potrebno je svesti na minimum.

VIII

Krizni plan pripravnosti može se promijeniti u skladu sa epidemiološkom situacijom, te naredbama i preporukama Kriznog štaba Federalnog ministarstva zdravstva, Ministarstva zdravstva Kantona Sarajevo, Federalnog štaba civilne zaštite i Staba civilne zaštite Kantona Sarajevo.

IX

Krizni plan pripravnosti stupa na snagu danom donošenja i isti će biti objavljen na web stranici Općine Ilidža, oglasnim pločama u zgradi Općine.



X

Nepriдрžavanje navedenih mjera predstavlja kršenje Zakona o zaštiti stanovništva od zaraznih bolesti FBiH (Sl. novine FBiH br.29/05)

DOSTAVLJENO:

- 1 x Općinsko vijeće
- 1 x Općinski načelnik
- 1 x Služba za prostorno uređenje
- 1 x Služba za imovinsko-pravne, stambene, geodetske poslove i katastar nekretnina
- 1 x Služba za privredu i turizam
- 1 x Služba za zajedničke poslove
- 1 x Služba za finansije
- 1 x Služba za obrazovanje, kulturu, sport i informisanje
- 1 x Služba za rad, socijalna pitanja, zdravstvo, izbjeglice i raseljena lica
- 1 x Služba za boračka pitanja
- 1 x Služba za opću upravu
- 1 x Služba za inspekcijski nadzor
- 1 x Služba za razvoj, komunalne poslove i puteve
- 1 x Služba civilne zaštite
- 1 x Stručna služba Općinskog načelnika
- 1 x Stručna služba za poslove Općinskog vijeća
- 1 x Stručna služba za koordinaciju rada MZ-a
- 1 x Pravobranilaštvo Općine Ilidža
- 1 x a/a

